

1262-1262- OFP - Acta Capitulorum Generalium Bononie Celebrati

In nomine patris et filii et spiritus sancti. Amen.
 Acta capituli generalis Bononie celebrati
 anno Domini · M° · CC° · LXII° .

Confirmamus has constituciones. In capitulo de silencio. post illud. ubi dicitur. sive magistri ordinis. addatur. et ministri generales fratrum minorum. Et hec habet · iii · capitula.

Item hanc. In capitulo de levi culpa. ubi dicitur. et ad gradus altaris non satisfecerit. deleatur totum hoc. Et hec habet · iii · capitula.

Item hanc. In capitulo de gravissima culpa. ubi dicitur. de nostra societate prohiciatur. deleatur totum quod sequitur usque ibi. hic autem habitu exutus etc. Et hec habet · iii · capitula.

Item hanc. In capitulo de apostatis. ubi dicitur. quicumque apostataverit. deleatur quod sequitur. si infra · xla · dies non redierit; excommunicabitur. et dicatur sic. quicumque apostataverit; ipso facto sit excommunicatus. quam sentenciam ex nunc ferimus presenti statuto. Et hec habet · iii · capitula.

Item hanc. In eodem capitulo. ubi dicitur. non predictet. nec audiat confessiones. addatur. nec ad aliquam electionem ordinis. nec ad aliquem tractatum eorum que mittenda sunt ad generale vel provinciale capitulum admittatur. nisi per diffinidores. etc. Et hec habet · iii · capitula.

Item hanc. In capitulo de domibus concedendis. post illud. ubi dicitur. nisi in die dedicacionis ecclesie. addatur. et tunc tantum liceat eis ingredi chorum. et claustrum. Et hec habet · iii · capitula.

Item hanc. In capitulo de electione prioris conventionalis. post illud. si vero mortuo priore. vel amoto. addatur. vel absente. et infra ubi dicitur. et domus supiore caruerit. addatur. et vicario. tres fratres. etc. et infra. ubi dicitur. vel prior provincialis. addatur. vel conventionalis aliter ordinaverit. Et hec habet · iii · capitula.

Item hanc. In capitulo de capitulo provinciali. post illud. si priorem provinciale abesse contigerit. nec vices suas alicui commiserit. addatur. vel ille cui commiserit. absens fuerit. etc. prior illius loci. etc. Et hec habet · iii · capitula.

Item hanc. In capitulo de electione prioris provincialis. post illud. hoc excepto. quod eos includi sicut in electione magistri. non oportet. addatur. unus autem de illis duobus electoribus. illo anno in socium prioris conventionalis ad provinciale capitulum eligatur. si tunc fuerit celebrandum. Et hec habet · iii · capitula.

Item hanc. In capitulo de solemni celebrazione capituli. ubi dicitur. fiat communis confessio. et absolucio. perseverantibus benedictio. deleatur totum quod sequitur. usque. et hec eadem forma. etc. Et hec habet · iii · capitula.

Item hanc. In capitulo de capitulo generalissimo. ubi dicitur. vel magistro. addatur. cum media parte provincialium visum fuerit expedire. provincie etc. Et hec habet · iii · capitula.

Item hanc. In capitulo de capitulo generali. post illud. si autem per adjunctionem magistri. partes fuerint equeales. unus eligatur. addatur. a diffinitoribus. secundum quod in electione. etc. Et hec habet · iii · capitula.

Item hanc. In capitulo de studentibus. post illud. nisi circa illos voluerit magister ordinis. vel capitulum provinciale. addatur. vel prior provincialis. aliter (voluerit) dispensare. Et hec habet · iii · capitula.

Item hanc. In kalendario. in crastino Basilidis. Cyrini. Naboris. scilicet ydibus iunii. scribatur sic. Antonii confessoris · iii · lect. et in martirologio. eodem die. in fine addatur. et dicatur sic. Item eodem die; Antonii confessoris. de ordine fratrum minorum. Et hec habet · iii · capitula.

Item hanc. In capitulo de studentibus. post illud. ubi dicitur. vel ad questiones proponendas. addatur. vel collaciones faciendas. Et hec habet · iii · capitula.

Item hanc. In capitulo de predictoribus. id quod dicitur. omnis qui iam ad dictum officium. deleatur totum usque ad illud. placitis et causis. etc. Et hec habet · iii · capitula.

Item hanc. In capitulo de visitatoribus. in principio post illud verbum. eligantur. addatur. nisi prior provinciali et diffinitoribus velint committere. Et hec habet · iii · capitula.

Approbamus hanc. In capitulo de electione prioris provincialis. in principio ubi dicitur. statuimus ut mortuo priore provinciali. vel amoto. usque ad illum locum. et sic deinceps. donec prior eiusdem provincie sit electus et confirmatus. addatur. vel magister ordinis. in predictis casibus aliter ordinaverit. Et hec habet · ii · capitula.

Item hanc. In capitulo de domibus concedendis. ubi dicitur. supra chorum et sacristiam. [addatur]. nec fiant in domibus nostris curiositates. et superfluitates notabiles. in sculpturis. picturis. et pavimentis. et aliis similibus que paupertatem [nostram] deformant. Et hec habet · ii · capitula.

Item hanc. In capitulo de noviciis. ubi dicitur. similiter omnes fratres. usque ad illum locum. eorum dispositioni relinquendo. addatur. quicumque autem frater pecuniam. vel alia quecumque receperit. vel expenderit. vel dispensaverit. vel dispensari fecerit; reddat singulis annis. suis maioribus rationem. semel vel pluries; si fuerit requisitus. videlicet magister ordinis. diffinitoribus capituli generalis. prior

provincialis; diffinitoribus capitulo provincialis. prior conventionalis; priori provinciali. vel visitatori. ceteri fratres priori conventionali. Et hec habet · ii · capitula.

Item hanc. In capitulo de domibus concedendis. ubi dicitur. nec concessa ponatur. addatur. nec posita transferatur. nisi predicti etc. Et hec habet · ii · capitula.

Item hanc. In capitulo de electione prioris provincialis. post illud includi sicut in electione magistri non oportet. addatur. si vero congregato provinciali capitulo casu aliquo contingente provincia priore provinciali caruerit; ad ipsum provinciale capitulum electio pertinebit. Et hec habet · ii · capitula.

Item hanc. In capitulo de capitulo generalissimo. ubi dicitur. convenerunt priores provinciales. una cum fratre Iordane. mutetur in hunc modum. et dicatur sic. una cum venerabili patre bone memorie fratre Iordane. magistro ordinis nostri. Et hec habet · ii · capitula.

Inchoamus has. In ordinario de ministris altaris. ubi dicitur. de pace. in dominicis autem diebus. addatur. et festis duplicitibus. et totis duplicitibus. postquam etc.

Item hanc. In rubrica de cena domini. ubi dicitur. vadat conventus ad refectorium. deleatur hoc totum. usque ad finem tocius rubrice. et dicatur sic. vadat conventus ad chorum. iunioribus precedentibus. et collocatis ante pulpitum. a sacrista ibi preparatum.

candelabris. et thuribulo. sicut in capitulo fuerant collocata. sedente subdyacono cum ministris. post dyaconum in aliqua sede. ibidem preparata. dyaconus stans ante pulpitum. ceteris fratribus residentibus. prosequatur que de sermone dominico restant. Finito autem sermone sine. tu autem. priore signum faciente. surgant omnes. et dicente prelato. adiutorium nostrum etc. ; subdyaconus et ministri accipiant. que ad ipsos pertinent. et ordine quo venerunt; ad sacristiam revertantur. et postmodum collacio. suo tempore fiat.

Item hanc. In capitulo de electione prioris conventionalis. et in institucione subprioris. ubi dicitur. prior conventionalis conventui provideat de subpriore. addatur. si vero in capitulo generali. vel provinciali. aliquem. vel aliquos priores absolvi contigerit. prior provincialis cum diffinitoribus capitulo provincialis ante solucionem capitulo provincialis provideat de priore. sive de prioribus. illi. vel illis conventibus. quorum priores in ipso capitulo; fuerint absoluti.

Item hanc. In capitulo de noviciis. ubi dicitur. eorum disposicioni relinquendo. addatur. nulli vero fratri detur licencia de conservanda pecunia pro se. nisi pro libris. seu scriptis. nec sic receptam; in alias usus expendendi.

Item hanc. In capitulo de sollempni celebracione capitulo. ubi dicitur. deinde culpe audiantur. addatur. si qui vero sine licencia ad capitulum venerint; primo culpe eorum audiantur. et recepta penitencia; de capitulo excludantur.

Item hanc. In capitulo de capitulo provinciali. in fine dicatur sic. prior autem provincialis et diffinitores in quolibet capitulo provinciali. determinent tempus. ante quod fratres ad sequens capitulum provinciale non veniant.

Item hanc. In capitulo de capitulo provinciali. ubi dicitur. nec ad electionem electorum prioris provincialis. addatur. de prioribus autem conventionalibus vel lectoribus repetendis. vel amovendis; nullum fiat scrutinium. poterunt tamen fratres singuli innotescere super hiis visitatori verbo. vel priori provinciali scrip-to. quod eis circa hoc; visum fuerit expedire.

Item hanc. In capitulo de graviori culpa. ubi dicitur. ipsum possit proclamare. addatur. si quis vero de suspecta familiaritate mulieris. notatus fuerit. et post monitionem a prelato de consilio discretorum fratrum coram eisdem sibi factam. non se correxerit. si sacerdos fuerit; a predicacione. et confessionibus audiendis suspendatur. si clericus non sacerdos; ad ordines non promoveatur. et a predicacione suspendatur. si vero conversus; ultimum locum inter conversos teneat. et nichilominus alia remedia apponantur. ut sufficienter provideatur ordinis honestati.

Item hanc. In capitulo de silencio. ubi dicitur. absque dispensacione. removeatur. et dicatur sic. in uno prandio aquam bibat. et unam disciplinam in capitulo coram omnibus recipiat. exceptis infirmis decubentibus. et in hoc non dispensemur nisi per magistrum ordinis. vel priores provinciales. et hoc raro. et ex causa racionabili.

Item hanc. In eodem capitulo. ubi dicitur. cum contigerit nos cum eis comedere. addatur. prior vero provincialis. uni de comedentibus secum; poterit dare licenciam loquendi.

Item hanc. In capitulo de recipiendis. quod dicitur. de consensu conventus. removeatur et dicatur sic. nisi de consensu prioris et duarum parcum fratrum qui sunt de conventu; ubi fuerit induendus.

Item hanc. In capitulo de ieuniis. ubi dicitur. Andree apostoli. deleatur quod sequitur. usque ad illud locum. nisi cum aliquo propter laborem. et dicatur sic. quadragesimali utimur cibo. Idem dicimus in omnibus sextis feriis nisi dies natalis domini evenerit. vel nisi cum aliquo. etc.

Admoniciones.

Magister ordinis de consilio diffinitorum. revocat omnes licencias generales et speciales. si qui date sunt de eundo ad curiam. et iniungit districte fratribus omnibus. quod nullus vadat ad illam eciam de licencia priorum suorum. sine ipsis magistri licencia speciali. nec vult quod pro licencia optinenda vadant ad eum

fratres. quod si cui licenciam dederit. eadem districione prohibet. ne quis eundo. vel redeundo utatur equis. vel expensis. nisi super hoc per literas eius patentes; et licenciam eius habuerit specialem.

Item. Non vult quod fratres dent alicui garcioni pecuniam vel alii cuiquam suas literas deferenti. nisi hoc specialiter per literas mandaverit.

Item. Priores provinciales et diffinitores. in quorum provinciis non est certus modus ordinatus. quomodo studentibus provideatur; in proximis capitolis ordinent. quomodo competenter provideatur eisdem.

Item. Visitatores conventuum. Parisiensis. et aliorum · iiiiор · in quibus sunt studia sollempnia. scribant magistro et prioribus provincialibus de studentibus ipsorum; si que notabiliter reprehensibilia invenerint in eisdem.

Hec suntsuffragia.

Pro domino papa. etc.

Item. Absolvimus priorem Mutinensem. inhibentes ne ad prioratum vel supprioratum usque ad decennium assumatur.

Fratri Symoni quondam priori provinciali Anglie. damus licenciam quando sibi placuerit. ad provinciam redeundi. et quod sit de illa provincia.

Concedimus provincie Provincie; duas domos. Item. Francie; unam. Romane unam. Lombardie unam.

Capitulum generale sequens; assignamus in provincia Anglie. apud Londonias.

Actis additae sunt litterae magistri ordinis